

KE BAFE BA TLA TIMELA ?

Ke batho ba bangata ba sitoang ho nahana ka taba ena, hobane ka baka la tšabo ba leka ho koahela 'nete ea lihele. Ba tšaba hore mohlomong ba tla iphumana ba se ba sekamela lihelong ka lebelo le lehoho. Batho ba bangata ba leka hokokobetsa matsoalo a bona ka mantsoe a reng: Molimo ke Molimo o lerato 'me o ke ke oa lahlela motho liheleleng. Ka ho bolela joalo balekanya eka taba ea bophelo bo sa feleng ea bona e se e sebelitsoe le hore bophelo ba bona bo khopo bo tla 'ne bo amoheloe leholimong. “Ana ha le tsebe hoba ba khopo ha ba kake ba rua lefa la 'Muso oa Molimo na? Le se ke la lahlela. Ha e le ba litšila, ha e le ba rapelang ditšoantšo, ha e le baboki le bafebi, leha e le Basodoma, le masholu, le ba lakatsang leruo, le mataoa, le ba sebang, le ba utsoang, ba joalo bake ke ba rua lefa la 'muso oa Molimo.” (1 Ba-Kor. 6:9,10). “Ha ho ntho e litšila e tla kena teng, leha e le ba etsang manyala le leshano, ho tla kena ba ngoliloeng, bukeng ea bophelo ea Konyana feela.” (Tšenolo 21:27).

Ba bang hape ba teng ba lehang ho paka hore lihele ha li eo ho hang, 'me batho ba bang ba leka ho lumela lithutong tse entsoeng ke batho, tse reng kamor'a lefu re tla hloekisoa ka mollo 'me kamorao ho moo re eo kena leholimong. Ke ntho e makatsang hore na hantle e ba batho ba tla etsa joang hore ba leke ho qoba 'nete tse bolelang ka lihele. Ba bang ba leka ho qoba ka hore ha ho sale bophelo bo bong kamor'a lefu, hore ha re e-shoa ke moo ho feellang tsohle, ha ho sa le ho hong ka mane ho lebitla. Lentsoe la Molimo le re bolella hore: “Me joaleka ha ho laetsoe hoba batho bohle ba shoe hang, ho ntooa ba kahlolo.” (Ba-Heb. 9:27). Batho ba bang ba lefatše ba lumela hore ke bao feela ba shoang e le ba-Kreste ba tla phela hape, ha e le ba bang bona ba

tla shoa e be ke qetello. Ka tsela e makatsang palo e khoho ea baahi ba lefatše e lumela hore ha u e-shoa u tla boela u khutlele lefatšeng u tsoana le palesa, kapa khomo, kapa noha, kapa phoofolo e 'ngoe feela kapa sebopuoa. Ho na le mashano a mang a mangata ao batho ba a lumelang ka mokhoa oa hore feela ba khotatse maikutlo a bona ka taba ea lihele.

NA LIHELE LI TENG?

Motho o mong feela eo re ka mo lumelang ho feta bohle

e leng Morena Jesu. O buile haholo ka lihele 'me e ka khona re nke tse seng kae tsa tseo a buileng ka tsona Lengolong, e leng Lentsoeng la Molimo 'me re utloe seo a se bolelang: “Motho leha e ka ba mang le mang ea a reng ho ngoanabo u lehlanya, o tsoaneloa ke mollo oa lihele.” (Matt. 5:22). “E kare ha leihlo la hao le letona le u liela, u honye 'me u le lahlele hole le uena hobane ho ka ba molemo ho uena ha setho sa hao se timela se le seng feela, 'mele oohle oa hao o se ke oa lahleloa lihelong. Ekare ha letsoho la hao le letona le u lihela, u le pome, 'me u le lahlele hole le uena, hobane ho ka ba molemo ho uena ha setho sa hao se timela se le seng feela,

'mele oohle oa hao o se ke oa lahleloa lihelong.” (Matt. 5:29,30). “Empa bana ba 'muso ba tla lahle loa lefifing le kantle, moo lillo li tla ba teng le litsikitlano tsa meno.” (Matt. 8:12). “Le seke la tšaba ba bolaeang 'mele ba mpa ba se na matla a ho bolaea moea le 'mele lihelong.” (Matt. 10:28). “Le uena Kapernauma, ea phahamiselitsoeng leholimong u tla kokobetsoa nqalong ea bafu, hobane mehlolo e entsoeng haeno, hola ea be e entsoe Sodoma, motse oo o ka be o sa le teng le kajeno.” (Matt. 11:23). “Joaleka mofoka ha o khuoa, o chesoa mollong ho tla ba joalo bofelong ba lefatše lena. Mora motho o tla roma



mangeloi a hae, a tla khetha 'musong oa hae likhopiso tsohle le ba etsang bokhopo, 'me a ba lahlele seboping sa mollo, moo lillo li tla ba teng le litsikitlano tsa meno. (Matt. 13:40-42, 49, 50). "A re ho eena: Moganaka, u kene joang mona, u se na kobo ea bohali? Eo o hloka puo. Eaba morena o re ho bahlanga: 'mofeng maoto le matsoho le mo nke, 'me le mo lahlele lefifing le kante, moo lillo li tla ba teng le litsikitlano tsa meno." (Matt. 22:12,13). "Linoha, malinyane a marabe! Le ka phema kahlole ea lihele joang?" (Matt. 23:33). "Me bona bao ba tla ea bohlokong bo sa feleng: empa ba lokileng ba tla ea bophelong bo sa feleng." (Matt. 25:46). Tsena ke tse seng kae tsa litemana tse fumanoang Mangolong a Halalelang 'me li tsoa bukeng e le 'ngoe feela ea Bibe le eohle 'me ho sa na le tse ling tse ngata.

LIHELE LI JOANG?

Ka letsatsi le leng Jesu o ile a nka bohato ba ho re supisa setsoantšo sa lihele. Ho Luka 16:19-31. Jesu o re fa setsoantšo se supang hore na lihele li joang. O re supisa ntho e 'ngoe e tšabehang eo mahlo a motho a e-song ho e bone. Mollo oa lihele o tukang ka matla 'me bohareng ba mollo ona le bohareng ba leoatlhe lena le leholo la mollo, ke motho. Motho enoa ha a ea robala, o ntse a phaphame, oa phela 'me o ntse a ikutloa hantle a bona tse ntseng li etsahala ka hohle. O ntse a bona, oa utloa, a ka latsoa ka leleme la hae. Ka nako e 'ngoe motho enoa o kile a tsamaea a phela hona lefatšeng joaleka rona ha re phela ha joale. O kile a utloa baruti ba lentsoe leha e le bapofeta, joaleka ha ba bangata ba rona ba ntse ba ba utloa. Ntho e soabisang ke hore ha a ka a tsotella se ileng sa boleloa ke Moshe le bapofeta ho eena, joaleka kajeno, ba bangata ha ba natse letho ka lentsoe la Molimo le ka baruti ba lentsoe. Monna enoa ha a ka a tsotella le ho nahana ka bophelo bo tlang ho latela kamor'a lefu. A ka be a ile a nahana ka hore Molimo ke Molimo o lokileng 'me ka tsela eo o ke ke oa rata ho mo lihela lihelong, le hore ha ho ne ho ka etsahala hore a hate moo, ho ne ho e-na le baprista ba bangata ba neng ba ka mo rapella hore a tsoe. Motsoalle oa ka, holim'a tsena tsohle o ile a theoleloa lihelong 'me ke enoa re mo bona mona malakabeng a mollo.

Talima sefahleho sena u bone masoabi, talima mahlo a hae u hlokomele tšabo e hlokang thuso, mamela selo sa hae se tšabehang ha a bitsa ho Ntate Abraham, "nkhuhele, u romele Lazaro hore a qopetse ntsha ea monoana oahae metsing a tle a mpholise leleme, hobane ke utloa bohloko bo bohlo khabong ena ... ntate ha ho le joalo kea u rapela u mo romele tlang ea ntate; hobane ke na le banabeso babahlano, a ke a ba kholise hore ba tle ba se ke ba tla le bona nqalong ena e bohloko." Ntate Abraham a mo bolella hore ho na le Moshe le bapofeta e ka khona ba ba mamele. Empa monna enoa

a leng khabong ea mollo oa lihele a re mohlomong ha e mong oa ba shoeleng a ka tsoha a ba bolella, mohlomong ba ka mamela. Empa Abraham a re haeba ba sitoa ho mamela bapofeta ha ho le joalo ba sitoa ho mamela motho eka sitana eo a ka tsoha bafung.

Ke ba bakae ba metsoalle ea rona le bang ka rona ba mahlokong a mollo oa lihele kajeno? Ba ke ke ba khutla, re na le Lentsoe la Molimo 'me ba lokela ho le lumela. Jesu o tsohile bafung 'me ba bakae ba mo lumetseng? Ke ba seng bakae feela.

Ho utloisoa bohloko ho lihelong ha se ntho ea nakoana feela empa ke ha nako oehle. "Tlohang ho 'na lona ba rohakiloe le eeng mollong o sa feleng." (Matt. 25:41). "Me Diabolose ea ba khelositseng a akheloa letšeng la mollo le sebakole, ...batla hlokofofatsa motšehare le bosiu, ka ho sa feleng ... 'me e mong le e mong ea sa kang a fumanoa a ngoliloe bukeng ea bophelo a akheloa letšeng la mollo Tšenolo 20:10-15. "Moo seboko sa bona se sa shoeng le mollo o sa timeng." (Mareka 9:48).

Lihele ke nqalo ea hlokofofatsa le ea ho utloisoa bohloko. Bibe le e re bolella hore ho tla ba le lillo le litsikitlano tsa meno. Mollo o utloisa bohloko 'me batho ba ke ke ba lla ba bokolla 'me ba tsikitlanya meno haeba ba shoele joaleka ntja, joaleka ha ba bang ba lumela, kapa haeba mohlomong ho se bophelo bo bong kamor'a lefu. Ho na le bophelo bo bong kamor'a lefu, hobane re bala ho Tšenolo 20:12. "Ka bona bafu, ba banyenyane le ba baholo ba eme pel'a Molimo." Haeba re ka theohela lihelong kamor'a lefu, ho ea utloahala re tla hlola teng ka ho sa feleng, tlhokofatsong eleng ho utloeng bohloko ha mollo oa teng.

HO EA MANG LEHELENG?

Lihele li ile tsa lokisetsoa Satane le mangeloi a hae. Bohle ba etsang sebe ba mamelang lentsoe la Satane 'me bao ba mamelang lentsoe la Satane bao mabitso a bona a sa ngoloang Bukeng ea Bophelo, le bona ba tla ea tulong ena ea mahlomola. (Matt. 25:41. Tšenolo 20:15). Mona ke ho nkella le rona bohle, uena, le 'na, "Hobane bohle ba sitiloe 'me ha ba lokeloe ke khanya ea Molimo." (Ba-Roma 3:23). "Ka baka leo, joaleka ha sebe se kene lefatšeng ka motho a le mong (Adama) 'me lefu le kene ka sebe, ka mokhoa o joalo lefu le aparetse batho bohle, ka hobane ba sitiloe bohle." (Ba-Roma 5:12). Ka lebaka la sebe sa Adama, lefu le re tletse bohle, 'me uena le 'na re lokela ho shoa. Ka tsela e tšoanang lefu le tllile ho uena le ho 'na, 'me bohle re baetsalibe mahlomong a Molimo. Re na le sebopeliso sa sebe, le takatso ea ho etsa sebe le ho se hlomphe Molimo. Batho ha ba ke ba rutoa hore ba etse sebe, ba se etsa joale e le ntho ea hlaho, Batho e ka khona ba bolelloe hore ba hlomphe

Molimo, ba inehlele ho oona le hore ba o sebeletse. Ka lebaka lena, lefu le tlleng ho batho bohle, bohle re sitoa ho lokeloa ke khanya ea Molimo, 'me bohle re leba lihelong. E bang re batla ho tseba lihele kapa re sa rateng, re hoholehella tlaase lihelong tse tšabehang.

Ba bangata ba rapelang, "Morena, Morena," 'me ba phete temana tsa kereke tse phetoang joalo ka veke le veke, empa ha ba tsebe Morena e le Molopolli oa bona, 'me ha ba ea tsoaloe labobeli. Le bona ka ho tiea ha sebele, ba tla fumanoe lihelong. (Matt. 7:21-22). Ho na le ba ipitsang hore ke ba-Kreste, empa ba sa hlalising litholoana tsa letho, ba lokelang le bona ho lahleloa mollahong. (Matt. 7:19). Mesebetsi ea nama, e sa lokelang ho fumanoe ho rona ke "ho feba, le ho boka, ke bonyala, le bootsoa, ke ho rapela melimo ea bohata, le boloi, ke hloeano, le likomang, ke mona, le bohale le likhang, le liphapang, le likhaohano, ke mohono, le lipolao, le botahoa, le meharo, le lintho tse joalo, tseo ke le bolellang, joaleka ha ke se ke nkile ka le bolella, hore ba etsang tse joalo, ba ke ke ba ruoa 'muso oa Molimo." (Ba-Galata 5:19-21). Haeba re ipitsa ba-Kreste, e kakhona lefatše le bone ho rona. "Lerato, le thabo, le khotso, le sebete, le khauho, le molemo, le botšephehi, le bonolo le bošitoaro." (Ba-Galata 5:22-24).

Ba tla fumanoe lihelong ke ba tla fumanoe ba sa hloekisoa maling a bohlokoa a Jesu, ba sa kang ba baka libeng tsa bona, ba sa kang ba amohela Mpho ea Molimo, e leng bophelo bo sa feleng, le bao, ka lebaka la ho se hlomphe ba ileng ba hatakela Mali a Jesu ka maoto a bona.

Morena o ile a buoa ho Nicodema, eo e neng e le moruti, a mo bolella hore, "Ntle le hore motho a tsoaloe la bobeli, a ke ke a bona 'muso oa Molimo." (Johanne 3:3). Morena a mo bolella hore leha e le moo e le moruti ebile e le motho ea lokileng o sa ntse a hloka hore a tsoaloe la bobeli e le hore a tle a kene leholimong. Ke moo hee haeba re sa tsoaloe labobeli, ha ho tsotellehe hore na re phela bophelo bo bottle joang, ka sebele re tla ea lihelong. "Ha le bona eo e leng ea hataketseng Mora Molimo ka maoto, ea entseng mali a selekane ao ahlaitsoeng ka ona ntho feela, ea nyefotseng Moea oa mohau, eena ho tla lekanngoa hoba o tsoaneloe ke kotlo e fetisang hakakang! Etsoe re tseba ea itseng: Phetsetso ke ea ka ke tlaiphetsetsa e le 'na, ho itsalo Morena, 'me hape ho itsoe: Morena o tla ahlola sechaba sa Hae. Ke ntho e tšabehang ho oela matsohong a Molimo o phelang." (Ba-Heb. 10:29-31).

KE MANG EA RE ISANG LIHELENG?

Molimo o lerato o ke ke oa re isa lihelong. Ke taba e tlang joang joale ha e le moo batho ba ea lihelong? Molimo le hona ka lerato la oona le leholo o entse tsela

ea ho phonyoha eo a re etselitseng eona 'me ke ntho e sallanang le motho ka mong ho ikhethela hore na ke kae moo a ratang ho ea nka bophelo ba hae bo sa feleng. Molimo o siile khetho ena ho uena le ho 'na, 'me re bolokolohing ba ho khetha, ho ikhethela rona ho leholimo le lihele. Haeba re batla ho ea leholimong, tsela re e supisitsoe hantle, 'me haeba re sa amohela tsela ea Molimo ea poloko kapa e be re ikhethela ho se e amohela e le hore re thabele thabo ea sebele ka nakoana e itseng, ha ho le joalo ho ikisa rona lihelong, hobane eo ke tsela ea ho ea teng. 'Na le uena re supisitsoe tsela tsena bobeli ea ho ea leholimong le ea ho ea lihelong, empa ke 'na le uena re ka ikhethelang hore re nka tsela efe le hore ke mang ea tla latela tsela eo ho ea fihla qetellong ea eona.

RE KA PHONYOHA JOANG?

Molimo o re etselitse tsela ea ho phonyoha 'me tsela eo ha e rekoee ka chelete, ha e hloke le hore u be le thuto e phahameng hape ha e hloke hore pele u e amohela u kare u phela bophelo bo bottle, ha e hloke le hore u e sebeletse. Tsela ea Molimo e fumanoe feela, ke tsela ea baetsalibe ba babe le baetsalibe ba lokileng. E ka utloisisoa habonolo ea amoheloe le ke ngoana ea hloakang thuto ho hang le motho e moholo a ka e amohela joalo. Ke ntho e makatsang, khanya e tllang khotso le thabo, Tsela ea Molimo e tlosa moralo o boima oa sebele mahetleng a rona 'me joko ea Molimo e bobebe le phahlo ea hae e bobebe. (Matt. 11:29-30).

Tsela ea Molimo e tla ka mosoabi le pako libeng tsa rona. Re lokela ho ba le masoabi a borapeli re soabele libe tse o re li entseng 'me re li bakele ruri. "Ka hobane masoabi a lona a hlalitsitse pako." (2 Ba-Kor. 7:9,10). "Ha ho le joalo hee beang litholoana tse tsoanelang pako." (Matt. 3:8). "Ke re ho lona thabo e tla ba kholo leholimong ka moetsalibe a le mong ea bakang, e fetisang e bang teng ka baka la ba mashome a robileng mono o le mong ametso e robileng mono o le mong ba sa hloakang pako." (Luka 15:7). "Ho ne ho ngoliloe joalo, 'me ho ne ho tsoanela hore Kreste a utloisoe bohloko 'me a tsohe bafung ka letsatsi la boraro ho tle ho boleloe ka lebitso la hae pako le tsoarelo ea libe ho lichaba tsohle." (Luka 24:46,47). "Ho loka ha Molimo ho isa pakong." (Ba-Roma 2:4). Hang ka ho hlokatsoa ke Moea o Halalelang, rea bona hore re baetsalibe ba joang, joale e be rea soaba 'me rea baka, e be hape re tsoanela ho ipolela libe tsa rona ho Oona, hobane oa tšepheha o lokile ho re tsoarela libe le ho re hloekisa bobeng bohle." (Johane 1:9).

Re tsoanela hape ho lumela le ho amohela ka tumelo seo Jesu a re etselitseng sona, "me joaleka ha Moshe a ile a fanyeha noha felleng, ho tla ba joalo le mora motho o tla fanyehoa. Hore e mong le e mong ea lumelang

ho Eena a se ke a timela empa a be le bophelo bo sa feleng. Hobane Molimo o ratile lefatše hakaalo o bileng oa le tella Mora oa oona ea tsoetsoeng a inotsi, hore e mong le e mong ea lumelang ho Eena a se ke a timela a mpe a be le bophelo bo sa feleng. Hobane Molimo ha oa romela Mora oa Oona ho tla timetsa lefatše, empa e le hore lefatše le tle le bolokehe ka Eena. Ea lumelang ho Eena ha a timele, empa ea sa lumelang ho Eena o se a ahlotsoe, hobane ha a lumele ho Mora a inotsi oa Molimo. Ba lumelang ho Mora ba na na le bophelo bo sa feleng, empa ea sa lumelang ho Eena a ke ke a bona bophelo, empa bohale ba Molimo bo tla ba holim'a hae." (Johane 3:14-18,36). "Ka 'nete-nete ke re ho lona: Ea utloang lentsoe la ka, 'me a lumela ea nthomileng, o na le bophelo bo sa feleng, ha a ka ke a tla kahlong, empa o tlohile lefung ho kena bophelong." (Johane 5:24). "Hobane le bolokehile ka mohau, ka tumelo ha ho tsoe ho lona, ke mohau oa Molimo." (Ba-Efese 2:8).

E re ka hobane Adama a entse sebe, lefu le sebe li tletse batho bohle empa ka hobane Jesu, ea hlohang sebe, Mora oa Molimo, o u shoetse a nchoela le 'na, a shoa sebakeng sa rona, re ka ba le bophelo bo sa feleng. "Joaleka ha bohle ba shoele ka Adama, ho joalo le ho Kreste bohle ba tla etsoa hore ba phele." (1 Ba-Kor. 15:22).

Ua bona ka lebaka leo, hore seo feela re ka se etsang ke nthoana e nyenyane e sa rekoeng ka letho. Re lokela feela ho baka, ho ipolela ho lumela le ho amohela Jesu Kreste e le Morena le Molopolli. O mong feela ea etsang tefello eohle le ho fana, ke Morena Jesu. O se a lefeletse poloko ea rona, ka mali a Hae a bohlokoa, o re tsoarela libe tsa rona tse ngata, o re fa matla a hore re be bana ba Molimo 'me oa re amohela hore re be bana ba oona ka sebele. A ntho e makatsang, khanya le poloko e fanoang feela eo Jesu a re fang eona. Na u ke ke ua amohela poloko ee 'me ua amohela Jesu hona joale?

Motho ea hlohang borapeli ka nako e 'ngoe o ne a leka ho kholisa mo-Kreste hore kereke ea hae e hloka thuso le hore a ke ke a fetoha letho le molemo ka eona. Motho ea sa lumelang a botsa "hoo joale keng?" Mo-Kreste a re: "O mpholositse".

Ea sa lumelang a botsa, "Me hoo ke eng?" 'me a sa ntse a buoa joalo ha hlaha ho boso sela ho ho holo ho ea sa lumelang sefahlehong sa hae. Mo-Kreste a fetola a re, 'Tsamaea le 'na ho ea monyako 'me ke tla u supisa.' Ba tsamaea 'moho joalo ba ea monyako eaba ba fihla ba tsoa-Joale Mo-Kreste a bokella makala a omileng a a etsa khare kapa reng, joale eaba o batla seboko 'me ha a se fumane a se beha bohareng moo ba patsi eo e entsoeng lesaka. Joale a nka mollo a chesa makala a omeletseng ho pota sebaka seo, ha ea sa lumelang a sa talimile ka ho makala, ha mocheso oa mollo o atamela seboko sa batho, sa qala ho meneka se bontša ho ba tsietsing, empa se ne se sitoa ho tsoa moo lesakeng la mollo o tukang. Kapele-pele Mo-Kreste a lahlela letsoho la hae mosing oo a hlibila seboko a se ntša kotsing boemong boo ba kotsi a se bea joang bo botala moo mollo o sa fihleng le moo ho seng kotsi e ka se fihlelang.

"Ke moo hee" ho rialo mo-Kreste, "ke seo Jesu a nketselitseng sona. Ke ne ke le boemong bo kotsi ea mollo o joalo oa lihele, o ne o mpoile kahohle 'me ho ne ho se monyetle oa ho phonyoha. Ke ne ke le moetsalibe e moholo ke lahliloe ke emetse timelo feela, empa Jesu a mpholosa, ka ho shoela libe tsa ka, a nhlobila mollong joale ka tšepe e huloang mollong o chesang."

Motsoalle ea ratehang, joaleka u ea mollong oa lihele ntle ho pelaelo ea letho, na u ke ke ua talima holimo ho Jesu? Baka u bolele libe tsa hao ho Eena, lumela 'me u mo amohela u mo lumelle a u pholose. Se ke ua boela ua ema nakoana e itseng empa hlo u mo amohela hona joale. Kae kapa kae moo u leng teng tšollela pelo ea hao ho Morena Jesu, hona joale, oa u rata. Ha a rate hore u timele. O rata ho upholosa, o emetse feela ho utloa sello sa hao. Bitsa ho Eena hona joale o tla otlolla letsoho la Hae le maqeba a u phahamise a u ntše mollong oo o tukang, a u behe joang bo botala hore le likotsi tsa hlokoatso e sa feleng. O tla u beha tseleng e eang leholimong. Mo tšepe joale.

M.R. Gschwend.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)